

ИМКОНИАТЛАРДАН ТЎЛА ФЙДАЛАНИШ, ЯНГИЧА ДУНЁКАРАШ БИЛАН МЕХНАТ ҚИЛИШ – ХАЛҚИМИЗ ФАРОВОНЛИГИНИ ЯНАДА ОШИРИШНИНГ МУХИМ ОМИЛИДИР

Ўзбекистон Республикаси Президенти Шавкат Мирзиёев жойларда амалга оширилаётган бунёдкорлик ва ободоналаштириш ишлари, ижтимоий-иқтисодий ислохотларнинг бориши билан яқиндан танишиши, халқ билан мулоқот қилиш мақсадида 14 апрель куни Самарқанд вилоятига ташриф буюрди.

Самарқанд вилояти ривожланган саноати ва қишлоқ хўжалиги, табиий бойликлари, улкан сайёҳлик салоҳияти билан мамлакатимиз иқтисодий-ижтимоий ва маданий ҳаётида муҳим ўрин тутди.

Жаҳондаги энг юксак стандартлар асосида жиҳозланган Самарқанд автомобиль заводи, "JV Map Auto Uzbekistan" қўшма корхонасида ўнлаб турдаги машиналар ишлаб чиқарилмоқда. "Бритиш-Американ тобакко", "Сам Антеп Гилам", "Urg-Gaz Carpet", "Амин Инвест", "Дака Текс", "Агромир Самарқанд" қўшма корхоналари, «Сино», «Самарқандкимё» акциядорлик жамиятлари, "Шарқ саноати" хусусий концерни сингари йирик ишлаб чиқариш қувватлари вилоятнинг иқтисодий ривожига муҳим ҳисса қўшмоқда.

2016 йилда 19 янги қўшма корхона ташкил этилган ва вилоят бўйича уларнинг сони 263 тага ет-

ган. Вилоятнинг ташқи савдо айланмаси 1 миллиард 195 миллион долларни ташкил этган. Экспорт ҳажми 2015 йилга нисбатан қарийб 1,5 баробар ошган.

Бу кўрсаткичлар Самарқанднинг иқтисодий-ижтимоий тараққиётида ҳам намоён бўлмоқда. 2016 йилда ялпи ҳудудий маҳсулот 8,7 фоиз ўсгани шундан далolat беради.

Азалдан хунармандлик ва ишбилармонлик фазилатлари билан донг таратган самарқандликлар кичик бизнес ва хусусий тадбиркорлик соҳасида ҳам улкан натижаларга эришмоқда. Мазкур соҳанинг вилоят ялпи ҳудудий маҳсулотидagi улуши 78 фоиздан ошган ва меҳнат билан банд аҳолининг 84 фоиздан зиёди шу соҳада фаолият кўрсатаётгани эътиборга лойиқ.

Вилоятда қишлоқ хўжалиги соҳасини ислох қилиш ва модернизациялаш юза-

сидан тизимли ишлар амалга оширилмоқда. 2016 йилда 2838 кўп тармоқли фермер хўжалиги, 9079 гектар майдонда интенсив боғ ва 1000 гектар ерда тоқзор ташкил этилган. Ушбу соҳада 11 минг 349 иш ўрни яратилган.

Бугунги кунда сабзавотнинг 33 фоизи, меванинг 38 фоизи, сутнинг 34 фоизи, гўштининг 27 фоизи вилоятдаги маҳаллий корхоналарда қайта ишланмоқда. Бундай ўсиш суръатлари одамларнинг турмуш шароитида, вилоят шаҳар ва қишлоқлари қиёфасида ўз ифодасини топмоқда.

Туризм Самарқанд вилояти иқтисодиётининг асосий йўналишларидан биридир.

Вилоятда сайёҳлик ресурсларидан самарали фойдаланиш, кўрсатилаётган хизмат турларини кўпайтириш ва сифатини замон талабларига мослаштириш борасида тизимли ишлар амалга оширилмоқда. Давлатимиз томонидан яратилган имконият ва имтиёзлар туфайли бугунги кунда Самарқандда юздан ортиқ меҳмонхона ва 80 дан зиёд сайёҳлик фирмаси фаолият кўрсатмоқда.

(Давоми 2-бетда.)

Ўзбекистон Республикаси Президентининг Фармони

ТАШҚИ САВДО СОҲАСИДА БОШҚАРУВ ТИЗИМИНИ ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА

Ташқи савдо алоқаларининг самарадорлигини янада ошириш, ташқи савдо-либераллаштириш, экспорт салоҳиятини мустаҳкамлаш ҳамда рақобатдош маҳаллий маҳсулотларни ташқи бозорларга чиқариш тизимини такомиллаштириш, маҳсулот ишлаб чиқарувчи корхоналар билан хорижий шериклар ўртасида савдо соҳасида узоқ муддатли барқарор шериклик муносабатларини шакллантириш мақсадида:

1. Ўзбекистон Республикаси Ташқи иқтисодий алоқалар, инвестициялар ва савдо вазирлиги Ўзбекистон Республикаси Ташқи савдо вазирлиги этиб қайта ташкил қилинсин.

2. Белгилансинки: Ўзбекистон Республикаси Ташқи савдо вазирлиги ваколатли давлат органи бўлиб, ташқи савдо соҳасида давлат сиёсатини шакллантириш ва амалга ошириш учун масъул ҳисобланади ҳамда ташқи савдо фаолиятини тартибга со-

лиш соҳасида давлат бошқаруви органи ишини мувофиқлаштиради;

Ўзбекистон Республикаси Ташқи савдо вазирлигининг ўз ваколатлари доирасида қабул қилинган ва норматив-ҳуқуқий характерга эга бўлган қарорлари давлат ва хўжалик бошқаруви органи, маҳаллий давлат ҳокимияти ва бошқаруви органи, мулкчилик шакли ва идоравий мансублигидан қатъий назар хўжалик юритувчи субъектлар томонидан бажарилиши мажбурийдир;

Ўзбекистон Республикаси Ташқи савдо вазирлиги Ўзбекистон Республикаси Ташқи иқтисодий алоқалар, инвестициялар ва савдо вазирлигининг ташқи савдо муносабатлари қисмида унинг мажбуриятлари ва шартномалари, шу жумладан, халқаро мажбуриятлари ва шартномалари бўйича ҳуқуқий вориси ҳисобланади.


(Давоми 4-бетда.)

Давлатимиз раҳбари 12 апрель куни бизнинг Чилонзор туманимизга ташриф буюриб, ҳудудимизда амалга оширилаётган бунёдкорлик ишлари, ижтимоий-иқтисодий лойиҳалар ижроси, ижтимоий объектлар фаолияти билан танишди, оддий халқ билан учрашиб, самимий суҳбат қурди. Бундан барчамиз, айниқса, кекса отахон ва онахонлар, маҳалла ва таълим фаоллари жуда руҳландик.

Президентимизнинг эътибори

кекса отахон ва онахонлар,
маҳалла ва таълим фаолларини
жуда руҳлантирди

Очиғи, бир таълим фидойиси сифатида юртимизда, туманимизда, маҳаллада, таълим муассасаларимизда амалга оширилаётган янгилаш ва бунёдкорликлар мени беҳад қувонтиради. Президентимиз Шавкат Мирзиёев ташаббуси билан республикамизда амалга оширилаётган туб ислохотлар барча ҳамюрт-



ларим каби менинг ҳам эртанги кунга ишончимни мустаҳкамлаб, кўнглимни кўтармоқда.

Юртбошимиз Катта Хирмонтепа ва Яккатут маҳаллаларимизга келиб, аҳоли хонадонларида ҳам бўлди.

(Давоми 4-бетда.)

Бахт – хотиржамлик, тинчлик-осойишталикда

9-may — Xotira va qadrlash kuni

«Агар мендан дунёдаги энг азиз неъмат нима, деб сўрашса, ҳеч иккиланмай тинчлик, дея жавоб берардим. Буни биз каби Иккинчи жаҳон урушининг даҳшатли уқубатларини ўз кўзи билан кўрганлар ҳаммадан кўра яхшироқ билади. Бугунги дорил-омон, тинч-тотув кунларни, тўкин ва фаровон ҳаётни кўзларимга суртгим келади».

Бу пойтахтимизнинг Олмасор туманидаги Омонат маҳалласида яшовчи 92 ёшли отахон, Иккинчи жаҳон уруши қатнашчиси Аббос Аппановнинг сўзлари.



1939 йил. Эндигина мактабни тугатган Аббосни билгимга чанқоқлиги, жамоат ишларидаги фаоллиги, чет тилларни яхши ўзлаштирган учун мактабга ўқитувчи-

ликка таклиф этишди. Айни навқирон ёшдаги йигит ўзбек тили ва адабиёти фанидан ўқувчиларга сабоқ бера бошлади.

(Давоми 4-бетда.)

Мазмунли дам олиш учун ажойиб таклифлар

DAM OLISH DUNYOSI
5-XALQARO O'ZBEK TURIZM KO'RGAZMASI

THE WORLD OF LEISURE



“Ўзэкспомарказ”да “Дам олиш дунёси — 2017” V халқаро Ўзбекистон сайёҳлик кўргазмаси бўлиб ўтди.



Анжуман Ўзбекистон Республикаси Туризмни ривожлантириш давлат қўмитаси ва Миллий туризм маҳсулотларини тарғибот қилиш маркази томонидан Ўзбекистон Республикаси Маданият вазирлиги, Тошкент шаҳар ҳокимлиги кўмағида ташкил этилди. Тадбирда мамлакатимиз ва хорижий давлатларнинг сайёҳлик фирма ва компаниялари, дипломатик корпус, халқаро ташкилотлар, меҳмонхоналар вакиллари, соҳа мутахассислари, олимлар ва экспертлар иштирок этди.

“Дам олиш дунёси” халқаро Ўзбекистон сайёҳлик кўргазмасида ички ва халқаро туризм, илмий ва соғломлаштириш туризми, сайёҳлик маъмуриятлари ва миллий офислар, туризм агентликлари ва туроператорлар, меҳмонхоналар, санаторий-курорт мажмуалари, дам олиш масканлари, авиаташув, транспорт ва сўғурта компаниялари, онлайн брон қилиш тизимлари каби бўлимлар фаолият юритди.

Кўргазма доирасида “Tashkent Food Festival” миллий таомлар фестивали ҳам очилди. Унда пойтахтимизнинг элликка яқин ресторан ва кафелари, Андижон, Жиззах, Навоий, Наманган, Хоразм вилоятларининг соҳага оид сайёҳлик фирма ва компаниялари тақдимотлари ўтказилмоқда. Фестивалда иштирокчилар миллий таомларимиз, саховатли заминимизда етиштирилган сархил мева-сабзавотлардан баҳраманд бўлаётир. Мамлакатимизнинг қўшма тўғрида бағишланган стендларида бу ичимликни тайёрлаш усуллари бўйича маҳорат дарслари ўтказилди. Иштирокчилар чой ва қўшма олиқ навлари, ularни тайёрлаш ва узатиш маданияти, техника ва ускуналари билан танишиш имконига эга бўлди.

Бешинчи маротаба ўтказилаётган кўргазмада Бельгия, Бирлашган Араб Амирликлари, Буюк Британия, Германия, Жанубий Корея, Испания, Италия, Латвия, Малайзия, Миср, Озарбайжон, Россия, Сингапур, Таиланд, Туркменистон, Туркия, Франция, Хитой, Япония, Қирғизистон, Қозғистон, Ҳиндистон каби мамлакатлардан 200 га яқин фирма ва компания вакиллари иштирок этади.

“Дам олиш дунёси” халқаро Ўзбекистон сайёҳлик кўргазмаси жаҳон жамоатчилигини мамлакатимизнинг улкан туризм салоҳияти билан кенгроқ таништириш, хорижийнинг сайёҳлик компаниялари билан ҳамкорликни кенгайтириш, ularнинг Ўзбекистон бозорига ўз ўрнини мустаҳкамлашига кўмаклашишга, истиқболли лойиҳалар ишлаб чиқиш ва амалга оширишга хизмат қилади.

ЎзА



Отабек МИРСОАТОВ (ЎзА) олган суратлар.

Ma'rifat

ТА'СИС

ЕТУВЧИЛАР:

Ўзбекистон Халқ та'лими вазирлиги,
Ўзбекистон Олий ва о'рта махсус
та'лим вазирлиги, Ўзбекистон
Та'лим, fan va madaniyat
xodimlari kasaba uyushmasi
Respublika kengashi.

Бoш муҳаррир **Abdusamat RAHIMOV**

Gazeta O'zbekiston Matbuot va axborot agentligida
2006-yil 22-dekabrda 0067-raqam bilan ro'yxatga
olingan. Indeks: 149, 150. Г-415. Tiraj 52143.
Hajmi 4 bosma taboq. Ofset usulida bosilgan,
qog'oz bichimi А-3. Bahosi sotuvda erkin narxda.

TELEFONLAR:

qabulxona — 233-50-55;
kotibiyat — 233-99-15;
reklama va marketing bo'limi —
233-42-92(faks), 236-54-17.

ISSN 2010-6436



«Ma'rifat» dan
materiallarni ko'chirib
bosish tahririyat
ruxsati bilan amalga
oshirilishi shart.

Tahririyatga kelgan
qo'lyozmalar taqrib
qilinmaydi va muallifga
qaytarilmaydi.

«Sharq» nashriyot-matbaa aksiyadorlik kompaniyasi bosmaxonasi.
Korxonada manzili: Buyuk Turon ko'chasi, 41-uy.

O'zA yakuni — 00.51 Topshirildi — 01.40

MANZILIMIZ:
100083, Toshkent shahri,
Matbuotchilar ko'chasi, 32-uy.
Web-site: www.marifat.uz

Dizaynerlar:
Malohat TOSHOVA, Faxriddin RAHIMOV.
Navbatchi muharrir:
Dilshod RO'ZIQULOV.
Navbatchi:
Bobomurod XUDOYBERDIYEV.

1 2 4 5 6